

На основи Покраїнської скупщинської одлуки о бюджету Автономної Покраїни Войводини за 2014. рок («Службени новини АПВ», число 50/2013) и Програми защиты, ушореня и хаснованя польопривредней жеми на території Автономної Покраїни Войводини у 2014. року («Службени новини АПВ», число 7/2014),

**ПОКРАЇНСКИ СЕКРЕТАРИЯТ ЗА ПОЛЬОПРИВРЕДУ,
ВОДОПРИВРЕДУ И ЛЕСАРСТВО**

РОЗПИСУЄ

Я В Н У О Г Л А Ш К У

**за одобрванє и хаснованє стимулюющих средств за обрабцяц
польопривредну жем хтора дата под аренду за 2014. рок**

Стимулюючи средства за даванє обрабцяцей польопривредней жеми под аренду виноша **150.000.000,00 динари**. Средства за реализацию наведзених активносцох обезпечени у бюджету АП Войводини.

Хаснователе средств то физични особи (польопривредніки), ношители и члени регистрованного польопривредного газдовства цо уписане до Регистру польопривредних газдовствох, хтори власніки польопривредней жеми и то:

- 1) кед маю место биваня на території АП Войводини,
- 2) кед су старши од 65 рокох и кед су не хаснователе пензиї по основи правох пензийного и инвалидного осигураня занятих або самостойних діялносцох, окрем хасновательох пензиї по основи правох польопривредного осигуранїка и хасновательох инвалидней пензиї, хтори тото право здобули як осигуранїки польопривредніки (условие у поглядзе рокох живота ше не одноши на хасновательох инвалидней пензиї),
- 3) кед Контракт о длугорочней аренди заключени у периодзе од 2010-2014. рок,
- 4) кед даваю под аренду обрабцяц жем на території Автономной Покраїни Войводини, од найменей 0,5 по найвещей 10 гектари на найменей 5 роки од дня заключения Контракту,
- 5) же Контракт не заключени медзи членми истого регистрованного польопривредного газдовства.

Подношитель вимаганя хтори виполнює наведзени условия ма право хасновац средства у суми:

- 8.000,00 динари по гектаре рочне, кед да под аренду жем закупцови хтори ношитель або член регистрованного польопривредного газдовства зоз местом биваня на території АП Войводини, хтори не ма вещей як 60 роки,
- 9.000,00 динари по гектаре рочне, кед да под аренду жем закупцови хтори ношитель або член регистрованного польопривредного газдовства зоз местом биваня на территории АП Войводини, а ма вещей як 40 роки и не старши є од 60 рокох и

власник є обрабцяей польопривредней жеми хтора ше гранічи зоз жему хтору ше дава под аренду,

- 11.000,00 динари по гектаре рочне, кед да под аренду жем закупшкови хтори ношитель або член регистрованного польопривредного газдовства зоз местом биваня на території АП Войводини, а не ма вещей як 40 роки и власник є польопривредней жеми хтора ше гранічи зоз жему хтору ше дава под аренду.

Потребна документация:

- 1) Формулар вимаганя хтори муши буц подписани и читко выполнени зоз друкованима буквами,
- 2) Доказ о власніцтве обрабцяей жеми хтору ше дава под аренду у 2014. року (закуподаватель), хтори видал компетентни орган (маєтніцки лісток нерухомосцох не старши як 30 дні) оригинал або оверену фотокопию,
- 3) Контракт о закупе обрабцяей польопривредней жеми зоз податками о числє парцели, потесу, поверхносци и цени закупу, хтори по предписаньох оверел компетентни орган – фотокопию,
- 4) Вивод зоз регистру польопривредного газдовства (лєм перши бок виводу) зоз ажурнима податками, хтори выдава Управа за трезор, за особу хтора дава обрабцяю польопривредну жем под аренду (закуподаватель) - оригинал и два фотокопии,
- 5) Вивод зоз регистру польопривредного газдовства хтори выдава Управа за трезор за особу хтора бере обрабцяю польопривредну жем под аренду (закупец), перши бок виводу РПГ з основнима податками и други бок виводу зоз податками о поверхносцох и продукції (структура рошлінскей продукції),
- 6) Фотокопия карточки наменкового чечуцого рахунку (закуподаватель) хтори муши буц уписани у Виводу зоз регистру польопривредного газдовства - у трох прикладніках,
- 7) Потвердене-уверене компетентного органа (ПІО фонд) же подношитель вимаганя не хаснователь пензиї по основи пензийного и инвалидного осигураня занятих або самостойних діялносцох, а за хасновательох пензиї польопривредніках и хасновательох инвалидней пензиї хтори тото право здобули як осигураніки польопривредніки оригинал або фотокопию одрезку остатней приятей пензиї,
- 8) Фотокопию або одчитану чиповану особну легитимацию подношителя вимаганя - три прикладніки,
- 9) Кед член газдовства дал под аренду жем, вон доручує вияву зоз хтору потвердзує же є согласни з тим же би ше стимулюючи средства преруцело на рахунок ношителя РПГ.

У случаю кед ше парцели закупца граніча зоз жему хтору ше дава под аренду, потребне доручиц и:

- 1) Доказ о власніцтве над парцелами обрабцяей польопривредней жеми, хтори видал компетентни орган (маєтніцки лісток нерухомосцох зоз катастру не старши як 30 дні) за особу хтора бере обрабцяю польопривредну жем под аренду (закупец) - оригинал або оверену фотокопию,

2) Копію плану предметних парцелюх.

Ношители и члени регистрованого польопривредного газдовства, хтори хасновали стимулююци средства того Секретерияту за жем хтора дата под аренду, на основе скорей подписаних контрактох, односно принешених ришеньох, за хасноване стимулююцих средствох у 2014. року подноша шлїдууюцу документацию:

1) Читко выполнени и подписани формулар вимагания, з назначеньом же уж хасную наведзени средства по контракту/ришеню (навесц рок у хторим витворене право на средства),

2) Маєтнічки лісток нерухомосцох катастру хтори не старши як 30 дні (оригинал або оверену фотокопию), зоз яким ше доказує же предметна жем и далей у власніцтве закупадателя;

3) Вивод зоз регистру польопривредних газдовствох, хтори видава Управа за трезор за особу хтора вжала обрабцу польопривредну жем под аренду (закупец), перши бок виводу РПП з основними податками и други бок виводу зоз податками о поверхносцох и продукції, зоз хторим ше доказує же предметну жем и далей хаснує закупец (структура рошлінскей продукції),

4) Кед пришло до пременки адреси у особней легитимациї або чишле чечуцого рахунку, потребне доручиц оригинал и два фотокопії ажурного виводу зоз регистру польопривредних газдовствох и по 3 фотокопії карточки наменкового чечуцого рахунку и особней легитимациї.

Шицки податки у Виводу зоз регистру польопривредних газдовствох муша буц ажуровани и усоглашени зоз податками з особней легитимациї и банки.

Документацию обрабця комиссия Секретарияту такой потим як вимагания сцигну. По утвердзованю выполньованя условийох за хасноване стимулююцих средствох по явней оглашки, средства ше будзе виплацовац у складзе зоз прилівом средствох до бюджету АП Войводини по утрошок средствох яки предвидзени за тоти наменки.

Вимаганє за одоброванє и хаснованє средствох за обрабцу польопривредну жем хтора дата под аренду у 2014. року, зоз шицку потребну документацию, треба доручиц до 30.05.2014. року на шлїдууюцу адресу: Покраїнски секретарият за польопривреду, водопривреду и лесарство, Булевар Михайла Пупина 16, 21000 Нови Сад, з назначеньом «Явна оглашка за закуп жеми».

Формулар вимагания за додзельованє средствох мож превжац на интернет боку Секретарияту www.psp.vojvodina.gov.rs, або у просторийох Секретарияту, канцелария число 44а, перши поверх.

Неблагочасни и некомплетни вимагания ше не будзе розпатрац.

Додатни информации мож достац на телефон 021/456-973 лєм од 10,00-13,00 годзин.